



Pou Piblikasyon Imedya: 26/01/2022

GOUVÈNÈ KATHY HOCHUL

**GOUVÈNÈ HOCHUL KONVOKE YON NOUVO GWOUP TRAVAY ANT PLIZYÈ ETA  
SOU ZAM ILEGAL, SA GEN LADAN YON KOLABORASYON AVÈK MAJISTRA  
ADAMS AK NYPD**

*Lapolis Eta New York, NYPD, ATF ak plis pase 50 reprezantan fòs de lòt diferan  
eta te rankontre pou pataje done ak resous pou sispann flo zam ilegal la*

*NYSP pral konvoke ajans fòs de lòd lokal yo toupatou nan New York tou nan kad  
kolaborasyon sa a*

Jodi a Gouvènè Hochul te òganize premye reyinyon Gwoup Travay Ant Plizyè Eta sou Zam Ilegal la (Interstate Task Force on Illegal Guns). Konsòsyòm ant plizyè eta a te rasanble pou pataje ransèyman, zouti, taktik, ak estrateji pou lite kont vyolans ame, sitou nan sa ki gen pou wè ak trafik zam afe ant eta yo. Pami lòt bagay, Polis Eta a te diskite sou dènye zouti ak teknoloji ki disponib yo epitou sou analiz Biwo federal Alkòl, Tabak, Zam Afe ak Eksplozif la (Bureau of Alcohol, Tobacco, Firearms and Explosives, ATF) ak lòt sous done nan kad inisyativ sa a.

"Vyolans ame se yon kriz sante publik ki gen kòm motè flewo zam ilegal k ap koule antre nan New York soti nan lòt eta yo", **Gouvènè Hochul te deklare**. "N ap pran mezi pou atake kriz sa a san detou, e tèt ansanm sa a avèk kolaboratè lokal, nan lòt eta, ak federal nou yo pral ede sispann flo zam ilegal yo epi sove lavi."

Reprezantan Lapolis Eta New York, Depatman Lapolis Vil New York (NYPD), Biwo sou Alkòl, Tabak ak Zam afe (Bureau of Alcohol Tobacco and Firearms, ATF) federal la ak ajans lapolis yo nan New York, Rhode Island, Connecticut, Vermont, Ohio, Massachusetts, Pennsylvania, New Jersey ak New Hampshire, pral rasanble nan premye reyinyon Fòs Entèvansyon an pou kowòdone aksyon dirèk ki pral ede sispann sikilasyon zam ak anpeche plis vyolans ak zam. Gwoup la te diskite sou fason pou amelyore pataj done sou zam yo sou liy lokal, eta, ak federal yo e li te eksploré diferans yo nan lwa federal ak eta yo ki gen pou wè ak zam fantòm.

Gwoup la pral gen yon reyinyon suivi nan semèn k ap vini yo, e NYSP pral planifye yon konsòsyòm pou eta a sèlman pou pataje enfòmasyon avèk ajans fòs de lòd lokal yo toupatou nan eta a.

Zam fasil pou jwenn yo alimante anpil nan vag vyolans ame New York ap wè dènyèman an ak yon ogmantasyon nan kantite zam fantòm yo, e piò nan trafik zam sa yo antre ak pase nan eta a sòti nan lòt rejon peyi an. Pou pran yo apwòch global, nan Diskou sou Eta Leta 2022 li an Gouvènè Hochul te anonse konsòsyòm ant eta pou retrase zam nan k ap travay nan tèt ansam avèk ajans fòs de lòd nan eta vwazen yo ak Vil New York. Se efò komen pi resan an pou pote yon apwòch inifye sòti nan men dirijan Eta a ak Vil la, sa gen ladan Gouvènè Hochul, Gouvènè Adjwen Benjamin ak Majistra Adams, sou pwoblèm trè enpòtan sekirite piblik la.

"Jodi a, nou te rasanble lespri ki pi bon ak pi entelijan yo nan fòs de lòd ke rejon Nòdès la gen pou ofri, e franchman, mwen santi mwen ankouraje devan kolaborasyon mwen wè a", **Gouvènè Adjwen an, Brian Benjamin, te deklare.** "Avèk espesyalis eksperimante sa yo nan tèt estrateji sou kijan n ap entèdi trafik zam ilegal, mwen kapab di avèk asirans nou sou wout yon New York pi an sekirite. Mwen remèsyé Gouvènè a pou lidèchip li nan kreyasyon Gwoup Travay Ant Plizyè Eta sou Zam Ilegal la. Efò entèvansyon ak rekòt ransèyman ou rann posib gras a konsòsyòm sa a pral sove lavi moun New York yo."

"Nan twa semèn pase yo, nou wè yon monte efreyan nan vyolans ame, e li pote twòp trajedi ki fè mal nan vil nou an", **Kajistra Vil New York la, Eric Adams, te deklare.** "Nou pral transfòme doulè nou an objektif epi mete tèt ansam pou aji. Nou konnen Vil New York pa poukont li ditou nan fè fas a kriz sa a, e mwen remèsyé Gouvènè Hochul ak tout kolaboratè nou yo."

Bidjè Egzekitif Gouvènè Hochul la pou Ane Fiskal 2023 a gen ladan gwo envestisman pou pèsonèl Lapolis Eta a ki pral elaji band pasant analiz yo, sa k ap pèmèt yo ede depatman lokal yo nan ankèt apwofondi sou trafik zam ak krim. Envestisman yo dekonpoze konsa:

- 215,000 dola ogmantasyon pou yon ekip retrasaj krim ak zam
- 527,000 dola pou analis medya sosyal
- 1.4 milyon dola pou twoup krim enfòmatik la
- 6 milyon dola pou rekriticman de (2) klas akademik 300 Jandam chak
- 3.9 milyon dola pou ekipman/lojisyèl/anbochaj espesyal pou inite krim enfòmatik la

Gen yon envestisman 13 milyon dola nan rezo Sant Analiz Krim Depatman Sèvis Jistis Penal la (Department of Criminal Justice Services) ki pral gen ladan acha ekipman ki fèt espesyalman pou retrase krim ak zam ak balistik pou chak sant. Lapolis Eta a pral sèvi ak ekipman an tou pou ankèt sou vyolans ame ak trafik zam, sitou nan Rejyon Finger Lakes la ak nan Lwès NY, kote ajans la remake kagezon k ap antre apati de Pennsylvania ak Ohio.

Jodi a, Gouvènè Hochul [te anonse tou nominasyon](#) Calliana S. Thomas kòm Direktè Biwo Prevansyon kont Vyolans ak Zam Eta New York. Nan kad aksyon Gouvènè a pou anpeche ak redui vyolans ak zam atravè Eta New York, OGVP pral idantifye ak reyini patnè kle yo nan kominote a ak lapolis pou idantifye mezi ki kapab pran pou bese

vyolans ak zam nan Eta New York. Sitiye nan Sant pou Sante Kominotè Depatman Sante a, OGVP pral kolabore avèk Divizyon Sèvis Jistis Kriminèl ak lòt ajans nan Eta a pou kowòdone efò yo epi dirije resous yo nan pwen cho kote vyolans ak zam egziste epi ap fè sifas.

Nan mwa oktòb la, Gouvènè Hochul te siyen yon [lejislasyon](#) pou pi byen okipe epidemi vyolans ame a gras a entèdiksyon pou yon moun ki pa ni amiryе ni vandè zam afe pou li genyen kakas oswa chasi ki pa fini; entèdiksyon vant zam fantòm ak egzijans pou amiryе ak vandè zam afe yo anrejistre zam afe yo gen nan men yo, epi; ajoutman zam afe ki fèt pou sanble jwèt nan definisyon 'zam degize' a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418